



Rabu, 22 Juni 2022

Ogen: 1 TESALONIKA 4:11-12



NGGELUH ALU TENENG



Sekalok diberu ituntut gelah banci *multitasking* ntah pe beluh erkaipe mbarenda sanga kitik-kitik denga tempa kita berontak ipena pouken la seri ras turangta. Buen rusur dahinta si diberu e asangkan turang si dilaki, termasuk soal sopan santun ras waktu bermain. Tapi kenca kita mbelin ras utamana kenca erjabu, kepe disiplin ras kinibeluhen ngaturken waktu alu efektif efisien e tahu-tahu perlu. Adi la kin beluh nande e ngoratken jabuna, mahan bana rumah tangga e pe murde janah erlatihna iakapna. Ibas kinilabeluhen ngaturken diri ras waktu pe banci jadi celah dosa. Erkiteken sie bujur ninta lebe man kita siididik alu "keras" ras disiplin kitik-kitik nari.

Rasul Paulus merespon perpulungen I Tesalonika si nimai kerehen Tuhan Yesus alu *bermalas-malasen*. Padahal perpulungen e salah sada si megegehna erbahan si mehuli. Ibas si e Paulus mindo man perpulungen gelah nginget kinitekenna ras ndalankenca lebihen asangkan si enggo-enggona. Praktek geluh si erpalasken sura-sura daging, erlua-lua, ncampuri urusen kalak labo man usur-usuren. Sebab kerina e labo ulih pendahin Tuhan bas diri manusia. Padian me kita ndahiken dahinta subuk secara kiniteken, tutus ertoto bagepe dahin sitep-tep wari. Emekap keperluan. Labo memang sen sipentingna maka kita erdahin, tapi erdahin e mereken perbedan kita sierkiniteken ras si la erkiniteken ibas kita ncibalken kegeluhenta I doni enda. Tentu lebih iergaken kalak si erdahin asangkan si dahinna ngantou-ngantou alias PENGACARA (pengangguran banyak acara).

Memanfaatkan waktu ras ngaturken diri salah sada biak mejile siperlu sikembangkan. Nginget setiap waktu e meherga emaka mbue kalak ibahanna usahana I rumah ntah erdahin I rumah nari. Seh kel ulina adina kita pe banci makeken waktu ras peluang e, segelah teneng kita nggeluh. Ndauh perubaten ras perjengilen bas kita nari.

